



Siverth K. Heilmann aamma Knud Kristiansen  
Maani /

**Nalikilliliisarnermi maleruagassat allanggortinneqarnerisa  
suliffissaqartitsiniarnermut sunniutissaat pillugit § 37 naapertorlugu  
apequtitut akissutit**

07-11-2012  
Sags nr. 2012-075925  
Dok. nr. 1052826

Postboks 1605  
3900 Nuuk  
Tlf. (+299) 34 50 00  
Fax (+299) 32 20 42  
E-mail: tax@nanoq.gl  
www.nanoq.gl

Asasakka Siverth K. Heilmann aamma Knud Kristiansen

Apequtissinnut maanna akissuteqarfisannut qujanaq.

**1. Nalikilliliinissamut tunngavissat ajorseriartinneqarpata tamanna siunissami inuiaqatigiinni ineriartornissaraluumik suliffissaqartitsiniarnermullu qassinik annaasaqaataassava?**

Nalikilliliisarnermi maleruagassat allanggortinneqarnissaat Naalakkersuisut allatigut suli-niutaannut attuumassuteqartinneqassapput. Akileraarutininik allangguinissaq tamakkiisu-mik aningaasalersuutissartaqartoq, ilaatigut nunamut tamarmut akileraarutip 11 pct.-iniit 10 pct.-inut appartinneqarnissaanik imaqartoq Naalakkersuisut 2012-imi ukiaanerani ataatsimiinnermi saqqummiuppaat.

Nunamut tamarmut akileraarummik appaanissaq aningaasassaqaartinniarlugu, ilaatigut akileraarutitigut nalikilliliisarnermi maleruagassat pitsaalluinnartut ilaat, nunatsinni sulif-feqarfinit tamanit maanna iluaqutigineqartut Naalakkersuisut misissussallugit toqqar-paat.

Iluaqutissartaat tassaavoq pigisap akileraarutitigut nalikillilerneqarnerata, pigisap immi-nermini nalikilliarturneraniit sukkanerujussuarmik pisinnaanera. Tamanna suliffeqarfiit akileraarutissaminnik kinguartsisinnaanerannik kinguneqarpoq, tassa piviusoq imaallu-ni landskarsi ernialersugaanngitsumik taarsigassarsisitsisartoq. Ataavartumik tapiissutit – tassa ernialersugaanngitsumik taarsigassarsiat – Naalakkersuisut atorunnaarsinnia-gaat missingersorlugit naatsorsoraanni ukiumut 21 mio. kr.-it missaanniipput. Tassa ta-piissutit akileraartartunit maanna akilersorneqartut.

Tapiissutit atorunnaarsinneqartussaammata ingerlataqarfinni, tapiissutinik atuuttunik ilu-aqutiginninnerpaajusuni aningaasaliuumassutsip aallaqqaammut annikillinissaa ilimagi-neqarsinnaavoq. Taamaakkaluartorli eqqaamaneqartariaqarpoq tassani annikillissutis-sat taamaallaat tassaassammata aningaasaliinerit, nalikilliliisarnermi maleruagassat pitsaasut pissutiginnarlugit aningaasaliissutigineqartartut.

Allannguutissatut siunnersuutit aningaasaliisernerup annertussusianut, ineriartornermut suliffissaqartitsiniarnermullu sunniutissaat annikitsuinnaassangatinneqarpoq. Nalikilliliisarnermik maleruagassanik allanngortitsinerup kingunerisaanik isertinneqartussat nunamut tamarmut akileraarummik appaanissamut atorneqarnissaat tamatumunnga ilaatigut pissutaavoq. Nunamut tamarmut akileraarummik appaaneq innuttaasut aningaasarsiaminnit atorsinnaasaanik amerlisitsissaaq, tamannalu suliffeqarfiit tunisassiaannik pisiu-massutsimik annertusisitsissaaq Tamanna suliffeqarfiit aningaasaliinissamut pisariaqar-titsinerannik tassuunakkullu aamma suliffissaqartitsiniarnermik annertusisitsissaaq.

**2. Illuatungaatigulli nalikilliliinissamut periarfissat pitsaanerulersikkaanni ta-manna qanoq annertutigisumik siuariarfiussava suliffissanik amerlanernik pilersitsilluni isertitaqarnerusoqarluni akileraarutitigut akitsuutitigullu?**

Suliffeqarfinnut tapiissutaasartut qaffanneqarnissaasa suliffissaqartitsiniarnermut aam-ma akileraarutitigut akitsuutitigullu tunngavinnut sunniutigiumaagassaat, tapiissutit qa-noq ittumik tunniunneqartarnissaannit aalajangerneqassaaq. Tassa imaappoq nalikilliliisarnermi maleruagassat sorliit allanngortinneqarnersut, tapiissutit suliffeqarfinnut tama-nut nalinginnaasumik tapiissutit tunniunneqarnersut, siunertanut aalajangersimasunut, soorlu suliffeqarfinnut aallarterlaanut il.il. tunniunneqarnersut assigiinngissuteqarput. Aamma suliffissaqartitsiniarnermut sunniutissaasa aammalu allatigut sunniutissaasa suunerinut aalajangiisuussaaq tapiissutissat nutaat matussutissarsiuqassaassanersut, taamaassappallu aningaasalersuutissat suminngaanniissanersut.

Taamaattumik nalilerneqarpoq apeqqutigineqartoq erseqqilluinnartumik akineqarsin-naanngitsaq.

Inussiarnersumik inuulluaqqusillunga

Med venlig hilsen

Maliina Abelsen